

四庫全書

子部

# 欽定四庫全書

子部  
普濟方卷二百六

詳校官太醫院吏目臣吳尊夔

編修臣倉聖脉覆勘

總校官庶吉士臣何思鈞

校對官中書臣石鴻緒

謄錄監生臣戈廷樸

欽定四庫全書

普濟方卷二百六

明

周王朱楠撰

嘔吐門

總論

夫吐家脉來形狀如新卧起陽緊陰數其人食已即吐  
陽浮而數亦為吐寸口脉緊而扎緊即為寒扎即為虛  
寒虛相搏脉為陰結而遲其人即噎關上數其人則吐  
跌陽脉微而澁微即下利澁即吐逆穀不得入跌陽脉

浮者胃氣虛寒氣在上虛氣在下二氣並爭但出不入即嘔而不得食恐怖如死寬暖即瘥嘔而脉弱小便復利身有微熱見厥難治凡服湯嘔逆不入腹者先以甘草三兩水三升煮取二升服之得吐但服之不吐亦佳消息定然後服飲餘湯即流利便不吐也凡嘔者多食生薑此是嘔家聖藥病者胃中寒心下澹澹四肢厥冷食即嘔吐名曰寒嘔或因食多致傷胃氣或因病曾經汗下致胃氣虛冷之所為也病者胃中挾熱煩燥

聚結涎沫食入即吐名曰熱嘔或因胃熱伏暑及傷寒  
伏熱不解濕疸之類皆熱之所為也病者素盛今瘦膈  
中歷歷有聲食入即嘔食與飲並出名曰痰嘔或因涎  
結氣鬱於胃口或因酒食甜冷聚飲之所為也病者心  
腹脹悶四肢厥冷惡聞食臭食入即嘔朝食暮吐暮食  
朝吐名曰食嘔皆因飲食傷脾宿穀不化之所為也病  
者心下滿食即嘔血嘔血即食出名曰血嘔此由瘀蓄冷  
血積聚胃口之所為也病者心悶胸膈脹滿氣逆於胸膈

間食入即嘔嘔盡却快名曰氣嘔胃者足陽明合榮於足今隨上氣逆結於胃口故生嘔病也病者身背皆熱肘臂攣痛其氣不續膈間厭悶食之則先吐而後下名曰滿氣此因上焦傷寒風開其腠理上焦之氣慄悍滑疾遇開即出經氣失道邪氣內着故有是證病者下焦實熱大便不通氣逆不續嘔氣不禁名曰走哺此下焦氣起於胃口下別入回腸注於膀胱并與胃傳糟粕而下大腸令大小便不通故知下焦實熱之所為也今凡

先嘔却渴者此為欲解先渴却嘔者為水停心此屬飲家又傷寒差後餘熱在胃嘔者依傷寒後證治之若腳弱脾痛而嘔者此腳氣內攻宜急依腳氣門治更有婦人懷妊惡阻嘔吐亦各從其門類或中毒而嘔以解毒藥解之酒家嘔吐當以解醒藥解之其如三焦漏氣走嘔嘔吐則見上嘔門泄利則見下利門各從其類也嘔不得輕用利藥唯腹滿則視其前後何部不利利之即愈病源云嘔吐者皆由脾胃虛弱受於風邪所為也在胃

則嘔膈間有停飲胃内有久寒則嘔而吐其狀長太息  
心裏澹澹然或煩滿而大便難或溏泄並其候養生方  
云八月勿食薑一云被霜瓜向冬發寒熱及溫病食欲  
吐或心中停飲不消或為反胃仲景傷寒論夫嘔家有  
癰膿者不可療也其膿嘔盡自愈若先嘔後渴者為欲  
解也先渴後嘔者為水停在心下屬飲家嘔家本渴今  
反不渴者以心下有支飲故也此屬支飲

此証多用小  
半夏加茯苓

湯脾胃虛受於風邪故令新穀入胃不能傳化故穀之  
氣與新穀相干胃氣則逆胃逆則脾脹脾脹則氣逆復



遇冷折之則噦也右手關夫中脘有飲則嘈有宿食則上脉沉而虛者善病噦也

酸食後噫醋吞酸皆宿食證俗謂之噯酸是也夫人

受天地之中以生莫不以胃為主蓋胃受水穀脾主運化生氣以充四體者也若脾胃無所傷則無嘔吐之患其或飲食失節溫涼不調喜餐腥膾乳酪或貪食生冷肥膩露卧濕處當風取涼動擾於胃胃脘既病矣則脾氣停滯清濁不分中焦為之痞塞遂成嘔吐之患然此特論飲食過傷風涼冷濕之所由致者又如憂思所感

宿寒在胃中脘伏痰胃受邪熱瘀血停積亦能令人嘔吐故診其脉代者霍亂代而絕者亦霍亂也霍亂脉大者可治微細者不可治脉遲氣短少力不欲言者亦不可治胃虛之人或為寒氣所中或為暑氣所干或為飲食所傷或氣結而痰聚皆令人嘔吐又有瘀血停於胃口嘔吐之間雜以涎血當辨其脉證施以治法中寒則脉沉緊四肢厥冷飲食不下當以溫暖之藥調之挾暑則脉弦數煩燥而渴又當清涼之停食則消化之痰聚

則順氣溫胃停積者多由憂思過度損傷經絡其脉實而大者難治虛細者易愈諸嘔吐酸皆屬於熱此上焦受外來客邪也胃氣不受外邪故嘔傷寒論云嘔多雖有陽明證不可攻之是未傳入裏三陰不曾受邪也亦可見此證在上也仲景以生薑半夏治之以雜病論之嘔吐酸水者甚則酸水浸其心不任其苦其次則吐出水令上下牙酸不能相對以大辛熱劑療之必減吐酸水嘔出水酸味者收氣也西方肺金旺也寒水乃金之

子子能令母實故用大酖熱之劑瀉其子以辛熱為之  
佐而瀉肺之實以病機之法作熱攻之者誤矣蓋雜病  
醋心濁氣不降欲為中滿寒藥豈能治之哉 嘔吐出  
於胃氣之不和人所共知也然有胃寒有胃熱有痰水  
有宿食有膿血有氣攻又有所謂風邪入胃凡是數者  
可不究其所自來哉寒而嘔吐則脉沉緊四肢厥冷法  
當溫暖之濕熱嘔吐則喜冷惡熱煩燥中乾法當清涼  
解之病水證唾沫怔忡先渴後嘔與之消痰逐水葷宿

食證者胸腹脹滿醋悶吞酸與之消食去積葷腥氣燥  
氣熏灸惡心此膿血之聚經所謂嘔家有癰膿不須治  
膿盡自愈是爾七情內鬱關膈不平此氣攻之證所謂  
諸鬱於胃則嘔吐是爾若夫風邪入胃人多不審率用  
參朮助之攔住寒邪於此尤關利害其或惡聞食臭湯  
水不下粥藥不納此則翻胃之垂絕者也辨之不早其  
何以為對治乎且夫足陽明之經胃之絡脉也陽明之  
氣行則順今逆而上行謹不可泄固也然嘔吐者每每

大便秘結上下壅遏氣不流行蓋思所以區畫而利導之也如汗後水藥不入口者逆嘔而脉弱小便復利身微熱而手足厥者虛寒之極也識者憂焉。人之陰陽升降三焦調順脾胃和勻乃能腐熟水穀變化糟粕傳寫行道下走腸間若脾胃虛冷水穀不化則陰陽痞隔三焦不調濁陰之氣不能下行奔衝於上故發為嘔吐然咳逆之病有得之於膈實者有生於中滿者有發於下焦者種種雖不同悉本胃氣逆則嘔吐也蓋胃者水

穀之道路胃氣宣通則上焦如霧中焦如漚下焦如瀆  
命曰平胃既虛弱水穀停滯致三焦格拒升降不勻其  
氣虛滿得食則嘔而又有朝食暮吐暮食朝吐者有食  
已即吐者有嘔吐水穀不得前者有但嘔而無所出者  
有先嘔却渴者有先渴却嘔者嘔家本渴而反不渴者  
其本其治各各不同假令內格嘔逆食不得入是有火  
也病嘔而吐食久反出是無火也舉此二者乃知嘔吐之  
名則一治療之法各異雖治法有冷熱虛實之別要當

以安其胃氣為本使陰降陽升平勻調順嘔逆之病自愈矣

嘔吐論

夫嘔者胃氣上而不下也譬之通餅小口頓澀不入乃升氣所礙人病嘔吐其理如此蓋脾胃氣弱風冷干動使留停積飲食不化胃氣虛脹心下澹澹其氣上逆故嘔吐也

沉香煎丸 治嘔吐除中滿痞氣痰逆惡心宿昔成積



面黃腹脹臟腑不調水穀不化調順脾胃

阿魏

醋浸開白麵同作餅炙令黃半兩

巴豆

去皮心膜細新瓦上攤去油盡一分

沉香

剉

丁香

木香

胡椒

沒藥

研

丹砂

別研水飛

高良薑

檳榔

麵裹煨熟去麵

青橘皮

去白穰焙

硫黃

別研水飛

硃砂

明淨者石器慢火熬別研水飛過用各一兩

縮砂

去皮

吳茱萸

取陳久者湯浸取沉者炒各半兩

右除研藥外為末再入研藥勻煉蜜丸如菉豆大瓷盒貯封每服二丸食前臨卧溫生薑橘皮湯下更量

虛實大小加減

柴胡湯 療兩脇妨悶嘔逆不下食

柴胡

茯苓

各八分

橘皮

人參

桔梗

各六分

厚朴

灸八分

紫蘇

五分

生薑

十六分

甘草

灸五分

訶梨勒皮

七枚  
去核

右切以水八升煮取二升五合絞去滓分溫三服服後相去如人行六七里進一服止吐利忌海藻菰菜酢物猪肉等物之類

治嘔吐厥逆不思飲食

白朮

丁香

甘草

炙剉

陳橘皮

去白焙

木香

各半

兩剉

大腹子

剉

枳殼

去穰麤炒

訶梨勒

炮去核各三分

草豆蔻

去皮一兩

右粗搗篩每服三錢水一盞入生薑五片同煎至七分去滓空心溫服

白朮散

治嘔吐酸水結氣築心

白朮

茯苓

各八分

吳茱萸

四分

橘皮

六分

草撥

四分

檳榔

十分

人參

六分

大黃

十分

厚朴

八分

炙

右搗篩為散空腹煮薑棗湯服方寸匕日二服漸加至  
二匕半覺熱服少飲食三兩口壓之忌酢物桃李雀  
肉等

茯苓散

治脾胃虛弱不思飲食嘔吐

茯苓

枳殼

麩炒  
去穰

人參

去  
蘆

甘草

微炒  
剉

蘆根

切

半夏

湯洗七次去  
滑各一兩

右粗搗篩每服三錢水一盞入生薑七片薤白二寸

切同煎至七分去滓不拘時候溫服

半夏丸

出江陽方

治久吐不止

半夏

一兩

乾薑

半兩

右為末白麵糊丸桐子大非時陳皮湯下

治嘔逆痰壅

出本草

用苦耽苗子煮汁服亦生搗絞汁服

加味治中湯

出危氏方

治體虛感冒雨濕嘔吐

人參

白朮

乾薑

青皮

陳皮

各一兩

藿香

半夏錢各五

甘草錢二

右剉散生薑三片紅棗一枚煎服

前胡湯 治嘔吐不下食

前胡去蘆

麥門冬去心

人參 淡竹茹 芍藥

陳橘皮去白

半夏湯洗七遍 焙各等分

右剉如麻豆大拌勻每服三錢水一盞生薑三片煎

至七分去滓食前溫服

小麥湯出千金方

治嘔吐不止

小麥升一

人參

厚朴

各四兩

甘草

一兩

青竹茹

二兩半

生薑汁二合

茯苓

三兩

右咬咀以水八升煮取三升去滓分三服

木香白朮湯

出濟生拔粹方

治嘔而吐食謂持實擊強是無

積也胃強而乾嘔有聲無物脾強而吐食持實擊強是

以腹中痛當以此和之

一名丁香半夏湯

丁香

木香

各一錢

半夏麴

一兩

白朮

五錢

檳榔

二錢

茯苓

五錢

炙甘草

四錢

右為末濃煎生薑芍藥湯調下一二錢有積而痛手按之愈痛無積者按之不痛一方無丁香

柴胡湯 療徧體煩痛頭痛喫食嘔逆不得食

柴胡

十分

茯苓

八分

枳實

八分炙

生薑

八分去皮切

麥門冬

八分去心

甘草

六分炙

右切以水六升煮取二升三合絞去滓分溫三服每服相去如人行六七里進一服內消不利忌海藻松菜酢物桃李雀肉熱麵炙肉油膩



和胃湯 治食飲不下嘔逆清水面目虛腫

人參

二兩

茅根

一兩

甘草

炙半兩

竹茹

三分

木通

剉三分

赤茯苓

去黑皮一兩半

半夏

湯洗七遍焙一兩

右粗搗篩每服三錢水一盞生薑三片棗二枚擘破煎至七分去滓溫服

丁香丸

出傳信通用方

治因食冷物凝滯胃間嘔吐不止

大丁香

半兩

木香

三錢

胡椒

二錢

藿香

三錢

乾薑

二錢

甘草

三錢

肉桂

三錢

右為末蒸餅糊丸菴豆大焙乾時時乾嚼不必飲湯  
水水入則愈吐如覺痿弱更加附子隨意

人參丸 治嘔吐服後半夏丸雖覺漸損然病根不除  
欲多合後丸又慮毒藥不可久服欲不服藥又恐病  
滋蔓

人參 白朮

各五兩

生薑屑

八兩

厚朴

炙

細辛

各四兩

橘皮

三兩

桂心

二兩

右搗篩為末蜜和丸如梧桐子大米飲下初服十九

日二服稍稍加至二十九欲後半夏九間服亦得忌  
桃李雀肉生葱生菜

半夏丸 治嘔吐積冷在胃嘔逆不下食

半夏

一升真熊  
州者洗

小麥麴一升

右搗半夏為散以溲麴丸如彈子大以水煮冷麴熟  
則是藥成初吞四五丸日二服稍稍加至十四五丸  
旋煮旋服服此覺病減欲更重合服亦佳忌羊肉鰐  
柴胡知母飲 治嘔吐不下食頭痛身熱

柴胡

去苗  
一兩

知母

焙半  
兩

蘆根

剉三  
分

檳榔

一  
兩

人參

半  
兩

陳橘皮

半  
兩

右為散每服三錢水一盞生薑五片同煎至六分去

滓熱服

輭紅丸 治嘔吐

丹砂

研

砒霜

研各  
半錢

胭脂

一  
錢

巴豆

七粒  
取霜

右研細鎔臘少許內油三兩滴水和藥為劑以油單  
裹之大人旋丸如棗豆大小兒如芥子濃煎槐花甘

草湯放溫下一丸勿熟食半時久

人參丸 治嘔吐不下食

人參

三兩

半夏

湯洗七遍  
焙乾二兩

前胡

去蘆剉  
一兩

鉛丹

研半  
兩

右細末煮棗肉丸如梧桐子大每服二十九薑湯下

食後服

豆蔻子湯

治嘔逆不下食腹中氣結

豆蔻子

七粒  
碎

生薑

五兩

甘草

炙一  
兩

人參

一兩

右切以水四升煮取一升五合去滓分溫二服相去如人行五六里進一服內消忌海藻菰菜

人參散

出危氏方

止吐逆及治瀉後除煩渴常服調中和

氣

白茯苓

人參

各半兩

乾葛

一兩一錢

藿香

木香

甘草

各一錢半

黃耆

一錢半

右為末每服三錢水一盞煎七分去滓溫服如瀉後渴者每服加滑石末二錢同煎服

藿香安胃散

出御院方

治嘔吐不止

藿香葉

一兩

半夏

二兩洗

陳皮

二兩去白

厚朴

一兩薑製

蒼朮

三兩泔浸

甘草

二兩炙

右為粗散每服五錢以水一盞半生薑五片棗二枚

同煎去滓溫服

厚朴散

治嘔吐不止消痰下氣

厚朴

去粗皮剉薑汁浸一宿炒四兩

甘草

剉炒二兩

陳橘皮

湯浸去白

炒六兩

生薑

二斤洗淨切片焙乾炒令紫色

草豆蔻

去皮剉細炒二兩

右為散每服二錢沸湯入鹽點服脾氣等疾每服三錢水一盞薑二片棗二枚擘破煎至六分溫服

枇杷葉散

出本  
事方

治定嘔吐利膈

枇杷葉

去  
毛

人參

各一  
錢

茯苓

半  
兩

茅根

二兩  
切

半夏

一錢  
切

右剉細每服四錢水一盞半生薑七片慢火煎至七分去滓入檳榔末半錢和勻服之

三乙承氣湯

出經  
良方

治嘔吐水漿不入或食已即吐



大便秘或利而不鬆快時覺腹滿者或下利赤白而嘔吐食不下者或大腸小腸膀胱結而不通上為嘔吐膈食

川大黃

錦紋者用

厚朴

剉去皺皮

枳殼

芒硝

各半兩

甘草

一兩

右為粗末每服四錢水一盞生薑五片煎至六分却入硝細啜服未利再服熟甚者此一劑分大半作一服未利再服少熟甚更熟甚者一劑都作一服熟勢

極甚者亦有併二服作為一服方得利而効者臨時消息以利為度

生蘆根飲 療嘔吐病有兩種一者積熱在胃嘔逆不下食一者積冷在胃亦嘔逆不下食二事正反須細察之必其食飲寢處將息傷熱又素無冷疹年壯力強膚肉充滿此則是積熱在胃致此嘔逆如將息食飲寢處不熱又素有冷病年衰力弱膚肉瘦悴此則積冷在胃嘔逆不下食

生蘆根

切一升

生麥門冬

去心一升

青竹茹

一升

生薑汁

五合

茯苓

五兩

右切以水八升煮取二升半去滓加竹瀝六大合攪三服相去如人行十里久始服一劑得可欲重合服亦佳忌酢物

五味丸 治嘔吐前生蘆根飲雖可然未能全除者服此

茯苓

五兩

人參

三兩

麥門冬

去心一升

青竹茹

一升

生薑屑

六兩

右搗篩蜜和為丸煎蘆根飲下之初服十五丸二服稍加至三十九如梧桐子大忌酢物

枇杷葉散

出御院方

治脾胃氣虛嘔逆吐食

枇杷葉

去毛

陳皮

去白各等分

右為粗末每服五錢水一盞半生薑半分擘破同煎至一盞去滓溫服不拘時候日進三服

附子散

出肘後方

治冷氣嘔逆及吐食

右附子生去皮臍一枚切作四片用生薑汁五合浸一宿取出火上炙乾入生薑汁浸良久又蘸薑汁炙直候薑汁盡搗羅為散每服二錢米飲調下不拘時候

紫粉丸 治嘔吐不下食

右鐵沙以醋浸一宿去醋便帶醋炒直候并銚子絕紅色無煙然後乃止放冷研令細更用醋團火內燒令通赤取候冷再研極細以白麵糊丸如梧桐子大

每服四十九用溫粥飲下之服此藥訖便須啜一盞  
粥已不吐如未定再服之次定若與小兒服即小丸  
之更隨兒大小與之

治嘔吐不止

出瀝  
察方

脾氣虛弱多嘔吐粥藥纔食留不

住胡椒雞舌送靈砂假饒反胃無憂慮專治脾胃虛  
嘔吐不止諸藥不効者

右件用胡椒五十粒雞舌香十粒即母丁香也並為  
細末白湯半盞調藥送靈砂數粒便愈

酒磨丸

一名効磨丸  
出肘後方

治吐逆粥飲不下及治丈夫婦人

吐逆連日不止

右五靈脂狗膽汁和丸如雞頭實大每服一枚煎熟

生薑酒半升磨化再湯熨極熱先煮溫粥半盞持在

手病人乘熱飲藥便以粥送下

一用左手與患人藥  
喫不得嗽口右手急

將粥與病人  
喫不令太多

治嘔吐不止者

出經驗  
良方

右用來復丹以湯泡半夏為末一同碎和為丸薑湯

下五十九立止

治水逆嘔吐

出經驗良方

用生料五苓散去桂煎熟去滓入生薑自然汁細細服之

小半夏加茯苓湯

治水氣嘔吐

半夏

一升

生薑

半斤

茯苓

三兩一方四兩

右以水七升煮取一升五合分溫再服

金匱云嘔家用半夏以去

水去則嘔止



治嘔吐大便秘結虛冷者

右用靈砂或養正丹溫而利之又蘇合香丸用四分  
感應丸用六分夾研作細丸薑汁泡沸湯下此亦溫  
利若大便熱結用蜜煮凝捻作指鉞納後剖導之或  
用獷猪膽一枚取汁滴入醋少許以筆蘸灌於後部  
或燒皂角於桶內熏穀道或連根葱白一握漢椒五  
十粒搗細作餅焙熟和輕粉掩臍續以葱椒煎湯熏  
穀道

治嘔吐百藥不差

用生薑一兩切菴豆大醋漿七合銀器煎取四合空腹和滓旋呷之

治嘔吐風氣又吐後轉筋

右將木瓜煮汁飲之甚良若脚膝筋急痛煮木瓜令爛研作漿粥糕用裹痛處熱裹冷易一宿三五度便差煮木瓜時入一半酒同煮之

小藿香散

出本  
事方

治心下悶亂嘔吐不止水漿不入

有熱者服

丁香 乾葛 枇杷葉 藿香葉 赤茯苓

甘草

右各等分為散每服三錢水二盞生薑三片煎至七分去滓服之

人參飲 治嘔不能食

人參八分 厚朴六分 橘皮六分 白朮 生薑各八分

分

右切以水四大升煮取一升五合溫分三服忌桃李  
雀肉等

又凡服湯嘔逆不入腹者方

先單煮炙甘草三小兩以水三升煮取二升服之得  
吐但更服不吐益好消息定然後服餘湯則流利更  
不吐也忌海藻松菜

犀角人參飲子

出千金方

治嘔逆胃氣虛邪風熱不下食

犀角

人參

各二兩

薤白

五兩

粟米

一合

右呖咀以水四升半煮取一升七合下米煮令米熟  
分四服相去七里久進一服

治嘔吐胸膈痞滿不通

出百一  
選方

枳實

去穢

白茯苓

剉各  
半分

右煎四味大理中丸一九作一服或俞仙人降氣湯  
十五味

治嘔吐

出肘  
後方

白檳榔

一顆  
煨

橘皮

一分炙  
為末

右以水一盞煎半盞服

治天行後嘔逆不下食食入即出

右取羊肝如食法作生淡食不過三度即止

療無故嘔逆酸水不止或連三五口食後如此

右用羊屎十顆好酒兩合煎取一合頓服即愈如未  
定更服看大小加減之六七歲即五顆

治嘔逆不能食

出肘  
後方

右訶梨勒皮二兩去核熬為末蜜丸如梧桐子大空

心服二十九日二服一方用訶子去核薑湯下

治天行嘔逆不可食食即吐

右以雞卵一枚煮三五沸出以水浸之外熱內熱則吞之良

治嘔及嘔噦

出肘後方

右麻仁三兩杵熬以水研取汁着少鹽喫立効

治嘔

右用白油麻一大合清油半升煎取三合冷熱得所

去油麻頓服

胡椒丸

出澹寮方  
名半夏丸

胡椒

二十粒

丁香

十四粒

半夏

七粒湯  
浸去滑

右為細末生薑自然汁丸如雞頭大每用一丸以乾棗一枚擘破去核入藥在內以濕紙裹煨熟放溫以

米湯爛嚼下

丁香丸

出傳信  
適用方

治吐逆

丁香

木香

白朮

半夏

乾薑



右等分為末薑汁糊丸桐子大每服三二十九米飲  
下食前服

金花丸

出濟生  
拔粹方

治吐食而脉弦者由肝乘於脾胃而吐

乃由脾胃之虛宜治風安脾之劑

半夏

二兩  
洗

檳榔

二錢

雄黃

一錢  
半

右為末薑汁浸餛餅為丸桐子大生薑湯下小兒另  
丸從少至多漸以服之以吐止為度羈絆於脾故飲  
食自下

白朮散

出本  
事方

治食後多吐欲作反胃

澤瀉

白朮

茯苓

各等  
分

右為細末每服一錢湯調溫服

人參飲 主吐

人參

二兩

橘皮

三兩

生薑

一兩

右切以水四升煮取一升五合分溫三服

治食已吐其食方

出千  
金方

大黃

四兩

甘草

二兩

右咬咀以水三升煮取一升半分再服

青金丹

出本事方一名的奇方

治一切吐逆不問虛實冷熱霍

亂翻胃並皆治之

水銀

八錢

生硫黃

一錢別研

右入無油鉢內用慢火化開以柳木篦子撥炒或有煙焰以醋洒入結成砂子再炒研為細末用粽尖杵和為丸如菉豆大每服三十九用生薑橘皮煎湯送下不拘時候一方用硃砂為衣每一丸煎丁香湯磨下

食前熱服

理中散 治食後吐酸水食羹粥醋劇

乾薑 食茱萸

右為散酒服方寸匕日三溫服勿冷服之

乾薑甘草湯

出直指方

療吐逆水米不下及脾中冷痛

乾薑

三分炮

甘草

一分炙

右切以水二合煎取一合去滓頓服則定少間與粥則不嘔神驗忌海藻松菜一方用棗煎

治食飲輒吐方

出千金方

右頻服生熟湯三升即止

治吐逆立効

出肘後方

右用上好黃丹四兩整仔細篩過用好米醋半升同  
內煎令乾却用炭火三秤就銚內煨透絕紅冷取細  
研為末用粟米飲丸如梧桐子大煎葱酵湯下七丸  
不得只一服即碧靈丹

治吐

右用生犀角末方寸匕新汲水調下差

治嘔吐

出肘後方

右燒鹿角灰二兩人參一兩搗末方寸匕日三服

治嘔吐不止

出肘後方

右用五倍子焙一箇生一箇同甘草為末米飲調下

治吐逆不止

出肘後方

右生半夏一撮用水一盞煎不可多飲不可溫服其

吐即止

治吐

右用益元散加清油半合酸漿水一處煎用銀釵順攪一二沸服之

前胡湯

出千金方

治寒熱嘔逆少氣心下堅聚膨脹不得

食寒熱消渴補不足

前胡 生薑

各三兩

甘草

朴硝

湯下

大黃

別浸各二

兩

芍藥

茯苓

麥門冬

當歸

半夏

滑石

石膏

括萎根

黃芩

附子

人參

各一

兩

右呖咀以水一斗二升煮取六升分四服

大養胃湯

出三因方

治飲食傷脾宿穀不化朝食暮吐暮

食朝吐上氣腹熱四肢冷痺三焦不調及脾虛寒氣  
在上虛氣在下二氣並爭但出不入嘔不得食

厚朴

去皮

生薑

各二兩剉

肥棗

三兩剉同上二味炒

白朮

山藥

人參

川芎

橘皮

當歸

五味子

藿香

甘草

枇杷葉

刷去毛薑炙

黃耆

各一兩



右剉為散每服四錢水一盞半生薑三片棗二枚煎七分去滓空腹服或為細末米飲調下亦得

半夏湯

出千金方

治逆氣心中煩悶氣滿嘔吐氣上攻一

名小半夏茯苓湯

半夏

一升

生薑

一升

茯苓

桂心

各五兩

右咬咀以水八升煮取二升半分三服若少氣加甘

草二兩

治肺氣逆嘔吐噦逆而渴

出肘後方

用枇杷葉煎湯服生嚼亦可一方卒乾嘔取一斤火微炙粗布拭去毛水一斗煮取三升服煮蘆根亦佳

勾理湯

出危氏方

治體虛上氣壅盛中脘痞塞嘔吐水飲

不入其證急速

右用木香勻氣散合理中湯鹽湯調服方寸匕

風引獨活湯

獨活 茯苓

甘草

各三兩

升麻

一兩半

人參

桂心 防風

芍藥

當歸

黃耆

乾薑

附子

各三兩

大豆

右咬咀以水九升清酒三升煮三升半分四服相去

如人行二十里久更進一服

藿香散

出危氏方

治風邪入胃嘔吐自汗或身疼

人參

五錢

厚朴

藿香

陳皮

各一兩

半夏

五錢

芍藥

一兩

官桂

粉草

各五錢

右剉為散每服四錢生薑五片紅棗一枚煎食前服

養胃湯用亦効

藿香正氣散

出指南方

治傷寒陰證憎寒惡風逐冷胸膈

噎塞脇肋膨脹心下堅痞吐利嘔逆怠惰嗜卧不思

飲食風邪入胃嘔吐

半夏麴

川厚朴

製各三兩

藿香葉

橘紅

各一兩

甘草

炙七錢

右剉為散每服三錢薑七片紅棗一枚食前煎服又

養胃湯通用藿亂吐瀉加白朮三兩

大枳殼丸

出御藥院方

治一切酒食所傷胸膈痞悶脇肋

脹滿心腹疼痛飲食不消痰逆嘔吐噫醋吞酸飲食  
遲化並宜服之

枳殼麸炒

茯苓去皮

白朮

厚朴薑製

半夏湯洗

人參

木香

青皮去穢

檳榔

京三稜

煨熟

廣茂

煨熟

神麴炒黃

麥蘖

微炒以上各一兩

乾生薑

半兩

牽牛

淨微炒

大黃

各二兩

陳皮

一兩去穢

右為細末生薑汁麵糊丸如梧桐子大每服一百丸  
生薑湯下食後服

茯苓湯

出三因方

治憂怒兼并氣攻血溢停留胃管噯聞

血腥嘔吐食飲及妊娠中脘宿冷血浸脾惡聞食氣

病名惡阻

半夏

湯洗七次三兩

茯苓

熟地黄

各一兩八錢

橘皮

細辛

人參

芍藥

川芎

旋復花

桔梗

甘草

炙各一兩二錢

右為剉散每服四大錢水二盞薑七片煎七分去滓

空心服有客熱煩渴口瘡者去橘皮細辛加前胡知

母茯苓下利者去地黄入桂心炒胃中虛熱大小便  
閉澁去地黄加大黃一兩黃芩六錢一方無旋復花  
桔梗甘草

二陳湯

出指南方一  
名治中湯

治胸腹脹滿因傷宿食或吐後

噫敗脾氣加丁香縮砂生薑七片烏梅一箇煎未効  
服治中湯同前無療中寒飲食不化吞酸嘔哕食則  
膨脝脹滿嘔逆

人參

白朮

甘草

炙

乾薑

炮

青皮

陳皮

各等分

右每服四錢水一盞半煎至七分去滓大便秘加大黃棋子大兩枚尋常入鹽點服

白朮丸

出仁存方一名丁香半夏丸

治心下溫溫常欲嘔惡聞

食吞酸由宿寒胃冷不能運化水穀中緩成痰其關脉弦小而短

白朮

三兩

半夏

炮

橘皮

乾薑

各二兩

丁香

一兩

右為末薑汁煮糊為丸如梧桐子大每服三四十丸



薑湯下食前服

麴朮丸 治中脘有宿食留飲酸蜚心痛口吐清水噉

宿腐氣

神麴

炒三兩

蒼朮

泔浸三宿洗日乾炒一兩

陳皮

一兩

右為末生薑汁別煮神麴末糊為丸如梧桐子大每服三五十九生薑湯下不拘時候

香靈丸

出本方

治嘔吐不止

丁香

好辰砂

研各六錢

五靈脂

四錢

右香脂先研為細末後入砂再研勻猪膽或猪膽為丸如雞頭大每服一九生薑橘皮湯磨下

十珍餅子

出御藥院方

治大人小兒嘔吐痰涎粥藥難停

無問新久必愈

丁香

沉香

桂

去皮

藿香

肉豆蔻

吳茱萸

洗焙乾

木香

各半兩

舶上硫黃

水銀

各七錢研細結沙

半夏

湯洗七遍乾生薑汁炙製一兩

右為細末煉蜜為丸如小豆大捏作餅子每服十餅

子生薑湯下或化服亦得量病加減不拘時候

覆盆散 治胃氣不和嘔吐不下食

覆盆子根

棗

青州者  
去核

人參

白茅根

燈心

半夏

湯洗七  
遍焙

前胡

去蘆  
頭

白朮

各等  
分

右碎如麻豆大每服五錢匕水一盞半煎八分去滓

溫服日三

止嘔逆心膈痰唾

出本  
草

以木瓜一顆嫩者去子煎服之

安胃散

出直  
指方

治開胃和中止嘔進食

人參

白朮

木香

檳榔

丁香

半夏麴

肉豆蔻

濕紙  
煨

橘紅

藿香

青皮

白茯苓

甘草

炙各  
等分

右剉散每服三錢薑四片煎服

助胃膏

出直  
指方

治嘔吐不食

人參

白朮

白茯苓

橘皮

縮砂仁

各一  
分

木香

丁香

肉豆蔻

微  
煨

草薢仁

各一  
錢半

白豆

寇錢一

右為末煉蜜丸如彈子大每服一九薑三片煎湯調

下

治暴嘔逆不下食

用生滑石二錢匕溫水服急以熱粥麪半盞壓之

半夏湯 治時氣嘔逆不下食

方見膈噎門五噎類

硃砂丸 治食積吐逆

硃砂 巴豆霜等分

右為細末麵糊丸如菉豆大每粒以針刺一竅子每粒以針穿定燈上度過卧以熱熱水吞之

一物湯

出至道方

治卒嘔逆粥飲入口即吐困弱無力

人參

二兩拍破

右以水一大升煎取四合頓熱服兼以人參汁煮粥喫立愈徐即中患反胃諸方不差只服參而愈

香銀丸

出楊氏方

治一切吐逆粥藥不下者

藿香葉

一兩

丁香

大者十枚

草豆蔻

大者四枚

附子

炮去

皮臍  
兩半

生硫黃 水銀 各一兩

右先將硫黃水銀二味同研後碾諸藥為細末和勻煮棗肉為丸每一兩作一十五丸每服一九至二九煎生薑棗湯化下不拘時候

人參竹茹湯

出衛生家寶方

治一切嘔逆及治寒傷中暑等

吐如神

人參

一兩

橘皮

一兩 去白

半夏

一兩 湯洗

甘草

半兩 炙

新竹茹

一兩 青者

右吹咀每服四錢重水二盞入生薑十片煎至七分

去滓通口服

白朮丸

出衛生家寶方

治冷氣嘔吐心腹疼痛

白朮

一兩

縮砂仁

二兩不見火

乾薑

一兩

丁香

半兩不見

火

白豆蔻

半兩去壳不見火

甘草

一兩炙

香附子

一兩

去毛皮

右為末煉蜜和丸每六丸每服一九米飲薑湯任下

丁香散

出衛生家寶方

止嘔



丁香十四枚冷嘔甚者用二十一枚北棗十箇燈心  
十四莖糯米一匙許淨洗用水一盞煎八分空心食  
前服累試有効

治服藥口苦及欲吐逆

出本草

以乾柿食少許立止

法

導引法

養生方導引法云正坐兩手向後捉腕反向妬席盡

勢使復眩眩上下七左右換手亦然除腹肚冷風宿  
氣或胃口冷食飲進退吐逆不下又云偃卧展兩脛  
兩手左右躡兩足踵以鼻內氣自極七息除腰中病  
食苦嘔又云坐直舒兩足以兩手挽兩足自極十二  
通愈腸胃不能受食吐逆以兩手直叉兩却脚痛舒  
以頭抵膝上自極十二通愈腸胃不能受食吐逆

三焦吐 附論

夫吐證有三氣積寒也皆從三焦論之上焦在胃口上

通於天氣主內而不出中焦在中脘上通天氣下通地  
氣主腐熟水穀下焦在臍下通於地氣主出而不納是  
故上焦吐者皆出於氣氣者天之陽也其脉浮而洪其  
證暴吐出已渴飲水飲大便結燥氣上衝而發痛治當  
降氣和中中焦吐者皆從於積有陰有陽實與氣相搏為  
積而痛其脉浮而匿其証或先痛而後吐或先吐而後  
痛治法當以小毒藥去其積檳榔木香利其氣下焦吐  
者皆從於寒地道也其脉浮而遲其證朝食暮吐暮食

朝吐小便清利大便秘而不通治法當以毒藥通其秘  
塞溫其寒氣大便漸通復以中焦藥和之不令大便秘  
結則愈也

方

麥門冬湯

出三因方

治上焦伏熱腹滿不欲飲食入胃未

定身背熱汗出或食先吐而後下名曰滿氣

麥門冬

去心

生蘆根

竹茹

白朮

各五兩

甘草

炙

茯苓

各二兩

橘皮

人參

姜豉

各三兩

右咬咀水煎取清調木香散二錢隔夜空腹服之候  
氣漸下吐漸止然後去木香散加芍藥二兩黃耆一  
兩半每一料中叩算加之如大便燥結食不盡下以  
大承氣湯去硝微下少利再服前藥補之如大便復  
結依前再微下之

青鎮丸

出濟生  
拔粹方

治上焦吐頭發痛而有汗脉弦

柴胡

一兩

黃芩

七錢半

甘草

五錢

半夏

一兩半  
洗七遍

青黛

二錢

人參

五錢

右為細末薑汁浸蒸餅為丸如梧桐子大每服五十

丸薑湯下

木香散

出濟生拔粹方

木香

檳榔各等分

右為細末煎藥調服

紫沉丸

出濟生拔粹方

治中焦吐食由食積與寒相搏故吐

而痛

半夏麴

一錢

代赭石

二錢

縮砂仁

三錢

烏梅

去核二錢

杏仁

去皮尖  
二錢

丁香

檳榔

各二錢

木香

沉香

白朮

各一錢

陳皮

五錢

肉豆蔻

巴豆霜

各半錢

右為末入巴豆霜令勻醋糊丸桐子大每服三十九  
食後薑湯下吐愈即止

治翻胃吐食

出保命方集

右用橘皮一箇浸少時去白裹生薑一塊麪裹紙封  
燒令熟去麪外生薑三番并橘皮下紫沉丸一百丸  
一日二服得大便通至不吐則止此治寒積氣皆可

人參湯

出三因方

治下焦伏熱氣逆不續大小便不通嘔

吐不禁名曰走哺

人參

萎蕤

黃芩

知母

茯苓

各三錢

白朮

橘皮

生蘆根

梔子仁

各半兩

石膏

煨一兩

右剉散每服四錢水一盞半煎七分去滓溫服

半夏湯

治上焦壅熱飲食不下嘔吐兩脇痛

半夏

湯洗七遍焙

人參

柴胡

去苗

麥門冬

去心焙各三分

竹茹

赤茯苓

去黑皮

桂

去粗皮

生蘆根

剉各半兩



甘草 炙剉一分

右粗搗篩每服五錢水一盞半入生薑五片同煎八

分去滓溫服

石膏竹茹湯 治上焦壅熱見食嘔吐頭痛目赤

石膏 三兩

竹茹 焙

人參

白茅根

各一兩

玄明

粉研

桔梗 炒

甘草 炙剉

葛根

剉各半兩

半夏 湯洗

七遍炒一兩

右粗搗篩每服五錢水一盞入生薑五片煎八分去

滓溫服

前胡散

出千金方

治嘔吐四肢痺冷上氣腹熱三焦不調

前胡

芎藭

甘草

當歸

石膏

研

人參

桂心

橘皮

各二兩

芍藥

三兩

半夏

四兩

生薑

大棗

三十枚

右㕮咀水一斗二升下黃芩三兩煮取二升半分三

服一方無黃芩

荊黃湯

出保命集方

治暴吐者上焦氣熱所衝也經曰諸

嘔吐酸暴主不迫皆屬水脉洪而浮者

荊芥穗

一兩

人參

一兩五錢

甘草

三錢半

大黃

三錢

右為粗末都作一服水二盞煎至一盞去滓調檳榔散二錢空心服

檳榔散

出保命集方

檳榔

二錢

木香

一錢半

輕粉

少許

右為末用前藥服如欲丸亦可用水浸蒸餅為丸如小豆大每服二十九食後服

附子丸

出保命集方

治下焦吐食朝食暮吐大便不通

附子

炮五錢

巴豆霜

一錢

砒

半錢研細

右同研極細鎔黃蠟和勻丸如梧桐子大每服一二丸冷水送下利則為度利後便服紫沉丸常服不令再閉

寒嘔

附論

夫病者胃中寒心下澹澹四肢厥冷食即嘔吐名曰寒嘔或因食多致傷胃氣或因病曾經汗下致胃氣虛

冷之所為也

方

小理中丸

出仁存方

治三皖氣弱中焦停寒脾虛不磨飲

食遲化喫物頓傷胸膈滿悶腹脇痞痛嘔吐噦逆噫  
酸惡心腹脹腸鳴心腹疼痛噎塞膈氣翻胃吐食飲食  
減少

草豆蔻

煨

乾薑

煨乘熱碎

青皮

去白

陳皮

洗淨去蒂

肉桂

去粗皮各二兩

牽牛

炒香熟

蓬莪朮

炒乘熱碎

良薑

各三  
斤炒

縮砂仁

紅豆各一  
斤

阿魏

三兩醋化  
去砂石研

右為末用水煮麵糊為丸如梧桐子大每服三十粒  
生薑橘皮湯下溫湯亦得不拘時候此藥無利性不  
損氣脾胃虛寒者最宜服之

丁香半夏丸

出濟生方一  
名白朮丸

治宿寒在胃嘔吐吞酸

方見

嘔吐  
類

二薑湯

出直  
指方

治寒證嘔吐

良薑 生白薑

各半  
兩

木香

丁香

二錢  
半

甘草

一錢  
半炙

右剉散每服三錢水一盞半煎半盞食前服

吳茱萸湯

指出直指方

治冷涎嘔吐陰證乾嘔噫醋及醋心

吳茱萸

沸湯泡洗三次炒

生薑

各一兩半

人參

三分

大棗

五箇

右剉散每服四錢水一盞煎半盞食前服

丁附治中湯

出三因方

治胃冷停痰嘔吐不已

青皮

炒

附子

炮

丁香

半兩

乾薑

一兩煨

陳皮

炒

人參

各半兩

甘草 炙

白朮

煨各一兩

右咬咀每服四錢水一盞薑五片煎八分空心熱服

靈液丹

出三因方

治胃中虛寒聚痰飲食不化噫醋停

酸大便反堅心胸脹滿惡聞食氣婦人妊娠惡阻嘔

吐不納食者

硫黃

打碎

附子

去皮臍切如菜豆大各一兩

菴豆

一兩用水一椀煮熟

乾眼

右為末生薑自然汁煮麵糊為丸如梧桐子大每服



五十九米飲下食前服

生硫黃丸

出三因方

治寒嘔脉弱小便復利身有微熱見

厥者難治

右生硫黃不拘多少柳木槌研細生薑汁拌炊餅糊  
為丸如梧桐子大每服五十九米湯下食前服

炮附子丸

出仁存方

治胃脘有熱胃中有寒嘔吐不止

右附子炮去皮為末以糊為丸如梧桐子大就濕以  
大黃為衣每服十九加至二十九用薑湯下

治久積冷不下食嘔吐不止冷在胃中

右半夏五兩為末每服二錢麵一兩以水和為餅湯  
煮熟為度用薑汁醋和調服之

豆蔻湯 治脾胃虛寒痰飲停滯嘔吐不止

肉豆蔻

三枚  
去殼

桂

去粗  
皮

零陵香

芎藭

各一  
兩

甘草

炙一  
兩

陳橘皮

去白  
焙一兩

莎草根

二十一  
枚炮

右粗搗篩每服二錢水一盞入生薑三片棗二枚擘

破煎六分去滓溫服

藿香散 治脾胃虛寒痰盛嘔吐不止飲食不化

藿香葉

甘草

炙三分

桂

去粗皮半兩

厚朴

去粗皮薑汁炙

各一兩

青橘皮

湯洗去白切麤炒三分

乾薑

炮一分半

枇杷

葉

拭去毛炙一分

右粗搗篩每服三錢水一盞生薑三片棗二枚擘破

煎七分去滓溫服

七寶湯 治脾胃虛冷嘔吐痰涎胸膈痞悶不思飲食

人參

白茯苓

去黑皮

甘草

微炙

連皮大腹子

各一

兩

訶梨勒

五枚煨  
去核

草豆蔻

四枚麵  
煨去皮

半夏一  
分

生薑自然

汁炒黃色

右粗搗篩每服三錢水一盞生薑三片棗二枚擘破  
同煎至六分食前去滓溫服

厚朴丸

治脾胃虛寒痰盛嘔吐

厚朴

去粗皮薑  
汁炙一斤

半夏

洗去滑切  
焙半斤

生薑

三斤研  
取汁盡

入水二碗  
絞取汁

棗

絹袋  
三斤

右於銀器內用文武火煮令薑汁盡取厚朴半夏焙乾

搗羅為末，棗去皮核入，前藥於臼中再搗為丸如梧  
桐子大，每服空心臨卧溫酒送下二十九

半夏飲 治脾胃虛寒痰涎壅滯嘔吐不止

半夏

三分薑汁浸炒

白朮

一兩

檳榔

五枚生剉

甘草

生剉半兩

右粗搗篩，每服五錢水一盞煎八分去滓，熱服不拘  
時候

半夏橘皮飲 治脾胃虛寒痰盛嘔吐不止

半夏

洗去滑焙

陳橘皮

去白焙

甘草

炙

桂

去粗皮各三分

人參

一兩一分

大腹子

一枚

右粗搗每服五錢水二盞入生薑三片煎一盞去滓

溫服不拘時候

桂心湯 治脾胃虛寒嘔吐不止

桂

去粗皮

乾薑

炮

半夏

湯洗去滑各一分

右搗篩每服三錢水一盞生薑三片煎至六分去滓

空心溫服

人參散

出聖惠方

治膈氣脾胃虛冷多嘔吐酸水

人參

一兩去蘆頭

檳榔

兩

高良薑

半兩剉

萆撥

一兩

白朮

一兩

橘皮

一兩湯浸去白穰焙

右為散每服三錢水一盞生薑五片同煎至六分去

滓溫服

藿香半夏丸

治脾胃虛寒痰盛嘔吐不定

藿香葉

半兩

半夏

一兩搗碎炒

丁香皮

船上者

丁香

各半

水銀沙子

一分研

右為末同水銀研勻酒煮麵糊為丸如梧桐子大每服

七九至十九生薑人參湯下不拘時候

濟急散

治脾胃虛寒痰飲留滯嘔吐不止

附子

一枚切下蓋取出  
肉內丁香在內

丁香

四十  
九枚

右用生薑自然汁略浸附同瓷瓶中重湯煮之令乾  
搗羅為細散每服一錢含化嚥津

猪苓散 治嘔而膈上寒思水者是欲解也

猪苓

茯苓

白朮

各三  
兩

右治下篩以米飲服方寸匕日三服者多飲水



藿香正氣散

治胃中冷胃中熱嘔吐

厚朴

製

陳皮

製

白朮

桔梗

半夏麴

各二兩

甘草

二兩半

大腹皮

白芷

茯苓

紫蘇葉

藿香

各三兩

右咬咀每服二錢薑三片棗二枚煎冷服

熱嘔

附論

夫病者胃中挾熱煩燥聚結涎沫食入即吐者名曰熱嘔或因胃熱伏暑及傷寒伏熱不解濕疸之類皆熱之

所為也

加味二陳湯

出經驗良方

治胃熱嘔吐不已

半夏

湯泡七次

陳皮

茯苓

各半兩

甘草

一錢半炙剉

刮筍竹青

四兩

右為末每服四錢水一盞半薑七片煎七分去滓啜

服不拘時候

地黃飲子

療虛熱嘔逆不下食食則煩悶

生地黃汁

六合

蘆根

一握

生麥門冬

一升去心

人參

八分

白蜜

三合

橘皮

六分

生薑

八分一方云  
生薑汁一合

右切以水六升煮取二升三合絞去滓分溫三服如  
人行四五里進一服不利忌蘊薏生冷麵炙肉蕎麥  
猪肉蒜粘食

麥門冬湯 療煩熱嘔逆不下食食則吐出

生麥門冬

三兩  
去心

青竹茹

三兩

茅根

五兩

人參

一兩

甘草

一兩  
炙

生薑

五兩

右切水七升煮取二升五合分溫三服如人行六七

里進一服不吐利忌海藻菰菜

竹茹湯

出濟生方

治胃受邪熱心煩喜冷嘔吐不止

葛根

三兩

半夏

湯泡七次二兩

甘草

炙一兩

右咬咀每服五錢水二盞入竹茹棗許大薑五片煎七分去滓取清汁微冷細細服不拘時候有熱者手足心熱政和中一宗病傷寒得汗身涼數日忽嘔吐藥與飲食俱不下醫者皆進丁香藿香滑石等藥下噦即吐予曰此正汗後餘熱留胃脘孫兆竹茹湯正

相當爾亟治藥與之即時愈良方槐花散亦相類一

方加棗一枚同煎

治熱吐

出海上方

用臘茶末一錢生腦子少許研勻沸湯點服

人參竹茹湯

出三因方

治胃口有熱嘔吐咳逆虛煩不安

人參

半兩

半夏

一兩

右作六服用水一盞半薑七片竹茹一團煎溫服一

方加橘紅一兩

氣嘔 附論

夫病者心膈脹滿氣逆于胸膈間食入即吐嘔盡却快  
名曰氣嘔胃者足陽明合榮於足今隨氣上逆結於胃  
口故生嘔病也

無補厚朴湯 治諸病咳嗽逆氣嘔吐方

厚朴 芫薺 桂心 乾地黄 芍藥 當歸

人參

各二兩

黃耆

甘草

各三兩

吳茱萸

二升泡

半夏

七兩

生薑

一斤

右咬咀水二斗煮猪蹄一具取汁一斗二升去蹄內  
清酒三升次再入藥煮取三升分四服相去如人行  
二十里久更進一服

大藿香散

出濟生方

治憂愁思慮悲恐驚七情傷感氣鬱

於中變成嘔吐或作寒熱眩暈痞滿不進飲食

藿香葉

半夏麴

白朮

木香

如枯骨者佳不見火各一兩

白茯苓

去皮

桔梗

去蘆剉炒

人參

枇杷葉

拭去毛

官桂

不見火

甘草

炙各半兩

右為細末每服三錢水一盞生薑五片棗子一枚煎至七分去滓溫服不拘時候

加味七氣湯

出直指方

治氣鬱嘔吐

半夏

製二兩半

人參

辣桂

厚朴

製各一兩

茯苓

一兩

半

甘草

炙半兩

右剉散每服三錢半生薑七片棗一枚煎服加木香亦得

茱萸人參湯

出仁存方

治氣嘔胸膈滿不納食嘔吐涎沫



頭疼

吳茱萸

湯洗數次五兩

人參

三兩

右剉為散每服四大錢水一盞半薑五片棗二枚煎至七分去滓不拘時候

陳橘皮丸

治脾胃氣虛弱嘔吐不食腹中虛鳴

陳橘皮

去白焙四兩

厚朴

去粗皮生薑汁炙剉一兩

肉豆蔻

乾薑

炮製

木香

吳茱萸

醋炒焙

白朮

剉麩炒半兩

訶梨勒皮

半兩

桂

去粗皮二分

枳殼

去穢炒

沉香

剉

丁香

各半兩

芍藥

炒

甘草

炙到一分

阿魏

半兩酒煮後細

研更用酒煎入少陳麴末同煎成膏九諸藥末

右搗羅十四味為末用阿魏煎和丸如梧桐子大每服二十九空心米飲下

白朮散

治胸滿氣逆嘔吐不思食味

白朮

剉炒

人參

各二兩

丁香

甘草

炙到二分各

桔梗

炒半兩

草豆蔻

去皮

陳橘皮

去白焙

乾薑

炙

各二兩

白茯苓

去黑皮一兩半

右為散研勻每服二錢生薑棗湯調下

陳橘皮散

出聖惠方

治胸滿氣逆食不消化嘔吐一方五

膈氣胃中宿冷食不消化嘔吐酸水

白朮

二兩

人參

一兩去蘆頭

胡椒

半兩

肉豆蔻

一兩

甘草

炙半兩

陳橘皮

一兩湯浸去白焙

右為散每服四錢水一盞生薑五片煎至六分去滓

稍熱服

藿香厚朴湯

治脾胃氣虛弱嘔吐不可食

藿香葉

厚朴

去粗皮用生薑二兩切片棗一枚擘破同煎半日取出去薑棗剉焙

甘草

生剉

半夏

漿水浸一宿切湯浸七次入粟米一合同炒黃去米

人參

白茯苓

去黑皮

陳橘皮

湯浸去白焙各一兩

右粗搗篩每服三錢水一盞入生薑三片大棗二枚擘破同煎至七分去滓溫服不拘時候

藿香正氣散

治氣嘔大効

方見本門寒嘔類

麥門冬飲

主風邪熱氣衝心心悶短氣吐不下食

麥門冬

二兩去心

人參

橘皮

各一兩剉

生薑

三兩切片

羚羊角

一兩  
屑

右切以水五升煮取一升五合去滓分溫三服

平胃丸 治脾胃氣虛弱嘔吐不下食常服進食消痰

半夏麴

沉香

各一兩

肉豆蔻

去皮

檳榔

剉各二箇

青皮

湯浸去白焙

木香

丁香

各半兩

麝香

半錢細研

右為細末棗肉與糯米粥和丸如梧桐子大每服三五丸生薑湯嚼下

痰嘔

附論

夫病者素盛今瘦腹中歷歷有聲食入即吐食與飲並出名曰痰嘔或因氣鬱涎結於胃中或因飲酒食甜冷聚飲之所為也

方

旋覆花湯

出濟生方

治中脘伏痰吐逆眩暈

旋覆花

去梗

半夏

湯泡七次

橘紅

泡各一兩

乾薑

檳榔

人參

甘草

炙

白朮

各半兩

右咬咀每服四錢水一盞半生薑七片煎至七分去

滓溫服不拘時候

白木湯

出濟生拔粹方

治胃中虛損及痰吐者

半夏麴

半兩

白朮

一錢

檳榔

二錢半

木香

甘草

炙各一錢

茯苓

二錢

右為細末每服二錢生薑湯調食前服

大半夏湯

出如宜方

治胃氣不行故生涎飲聚結不散心

下痞鞭腸中歷歷有聲食入即吐或因酒食甜冷聚飲

之所為也

半夏

二兩湯洗  
十次去滑

人參

二錢

右分四服每服水三盞蜜二錢重和水揚令勻入藥煎至六分去滓溫服一法有生薑七片治法曰嘔家先渴令反不渴者以心下有支飲故也此屬支飲

白香丸

出危氏方

治氣不順痰涎壅盛嘔吐不止

右用青州白丸合和青木香丸各三十丸生薑湯吞下

治嘔吐痰飲不納飲食狀如翻胃投香燥脾胃等藥疾



愈增劇意欲飲水此謂胃中冷而胃口有熱也

出澹療方

人參

乾薑

炮

白朮

去蘆炒

甘草

右咬咀每服四錢重水一盞半煎至七分濾清汁浸令極冷頓服之即不吐

乾嘔

附論

夫嘔而欲吐吐而無所出故曰乾嘔此由陰陽不和胃中虛氣逆上行不能下故有乾嘔之證

方

小丁沉丸 治乾嘔和調胃氣

丁香

半兩

沉香

甘草

炙

縮砂仁

白芷

炒黃各一

兩

生薑

阿魏

益智

木香

藁香子

炒各半兩

陳橘皮

湯浸去白焙一兩

右除阿魏外搗羅為末入阿魏膏拌勻醋煮麵糊丸如雞頭實大研丹砂麝香各少許同為衣空心薑鹽湯嚼下一丸

人參湯 治胃腑虛寒其氣上逆乾嘔不止

人參

陳橘皮

湯浸去白焙

附子

炮去皮臍

豆蔻

去皮各一

雨

白朮

炒

半夏

湯洗去滑薑汁製

甘草

炙剉

前胡

去蘆各

三分

乾薑

炮

桂

去粗皮各半兩

右剉麻豆大每服三錢水一盞半生薑五片煎八分

去滓溫服

厚朴湯

出三方

治乾嘔嘔而不逆熱少冷多好唾白沫

清涎噫氣吞酸此由上焦閉塞

厚朴

薑製

白茯苓

川芎

白朮

玄參

去蘆頭

吳茱萸

湯洗各半兩

桔梗

人參

附子

炮製去皮臍

橘皮

各三錢

右剉為散每服四大錢水一盞半薑五片煎七分去

滓溫服

木香散

治乾嘔和胃下氣

木香

丁香

檀香

各半兩剉

人參

去蘆

沉香

剉

白茯苓

去黑皮各一兩

甘草

檳榔

剉各一分

右約水多少慢火熬盡焙乾搗羅為細末每服一錢

匕入鹽沸湯點

草豆蔻湯

治乾嘔和胃下氣

草豆蔻

去皮

藿香葉

各半兩

丁香

一分

白朮

半兩

陳橘皮

湯浸去白焙各半兩

桂

去粗皮一分

枳殼

去穰麩炒微黃

山芋

右粗搗篩每服三錢水一盞棗二枚擘破粟米少許

同煎六分去滓食前溫服

桂參湯

治乾嘔煩悶不入飲食

桂去粗皮  
半兩

人參半兩

縮砂仁一兩

厚朴去粗皮  
薑汁炙

一兩 乾薑炮半兩

甘草炙劉  
三分

陳橘皮湯浸去白  
焙一分

右粗搗篩每服一錢水一盞入粟米并棗同煎七分

去滓溫服

生薑湯 治吐逆乾嘔

生薑四兩

澤瀉三兩

桂心二兩

橘皮三兩

甘草二兩

茯苓

四兩

人參

一兩

大黃

四兩

右切以水三升煮取三升服五合日三服海藻菰菜

酢物生葱

生薑丸

治乾嘔惡心益津液和胃氣

生薑

三斤和皮切作片子以鹽  
三兩淹一宿慢火焙乾

甘草

炙剉  
四兩

陳橘皮

湯浸焙乾  
去白四兩

香白芷

縮砂仁

去皮各  
一兩

蓬莪茂

炮二  
兩

胡椒

一  
兩

右為末以麵糊和丸如小彈子大細研丹砂為衣每  
服細嚼一九酒下食前服之

參苓散方

治胃氣逆乾嘔惡心

人參

白茯苓

去黑皮

藿香葉

各一兩

丁香枝杖

半兩

甘草

炙到半兩

葛根

到一兩

右為散每服二錢匕沸湯點服不拘時候

青橘散 治乾嘔和胃氣

青橘皮

湯浸去白

甘草

剉各一兩

木香

半兩

白芷

一分

桂

去粗皮

枳殼

去穢麤炒各半兩

右先將甘草炒微黃色後入藥同炒褐色搗羅為末

每服二錢匕入鹽沸湯點服



開胃丸

治乾嘔氣逆不止

半夏

微炒  
三兩

白豆蔻

去  
皮

白朮

各二  
兩

人參

一  
兩

半

陳橘皮

去白  
焙  
一兩

右為末生薑汁煮棗肉和丸如梧桐子大每服二十  
丸不拘時候粥飲下加至三十丸

平氣湯

治乾嘔氣逆飲食不下

甘草

剉

厚朴

去粗皮  
各四兩

乾薑

刮淨剉  
四兩

大棗

百  
枚

生薑

去皮切  
半斤

右用水七升入銀石器內煮候棗熟去皮核再煮候  
水盡焙乾粗搗篩每服三錢水一盞同煎至七分去  
滓稍熱服

四倍散 治胃氣不和乾嘔惡心大補虛損進飲食

訶梨勒

煨去核  
一兩

白茯苓

去黑皮  
四兩

人參

二兩  
去蘆

白朮

半斤

右為散每服二錢匕鹽少許沸湯點服如欲煎每服  
三錢匕水一盞生薑五片棗兩枚擘破同煎至七分

空心食前溫服

安中散 治乾嘔除邪熱和胃進食

小麥

炒黃  
四兩

乾薑

剉炒  
一兩

甘草

炙

陳麴

炒各  
半兩

右為散每服二錢匕棗湯調下

厚朴散 治乾嘔和胃順氣

厚朴

去粗皮  
一斤

大棗

一升去  
核焙

甘草

四兩

生薑

半斤

去粗皮  
切焙

右用水一斗三升煮盡水為度爛搗捏作餅子焙乾

再搗為散每服一錢沸湯點服

參粟湯 治乾嘔不下食

人參

一兩

陳粟米

一兩半

生薑

切碎五兩

半夏

湯洗去滑

七次四兩與生

薑同杵碎暴乾

右同入銀石鍋中慢火炒令焦黃粗搗篩每服三錢  
匕水一盞入生薑三片大棗二枚去核同煎至七分  
去滓微熱服空心食前

順氣湯 治胃中不和氣逆不止乾嘔飲食不下

白朮

二兩

白茯苓

去黑皮  
一兩半

人參

一兩

甘草

微炒  
三分

右吹咀如麻豆大每服三錢水一盞入棗薑同煎至七分去滓溫服不拘時

陳橘皮飲

治胃冷乾嘔手足厥逆

陳橘皮

湯浸去白  
焙四兩

甘草

炙

縮砂仁

白芷

各二兩

兩

右粗搗篩每服四錢水一大盞入生薑半分去滓不拘時候溫服

青竹茹湯 治傷寒後嘔乾嘔不下食方

生蘆根

切一升

青竹茹

一升

粟米

三合

生薑

二兩

右咬咀以水五升煮取二升分三服不止服三劑一

方用舊草鞋底一隻洗淨水煮汁澄清煎服有大棗無

粳米

又方

通草

橘皮

各二兩

生蘆根

切一升

粳米

三合

右咬咀以水四升煮取一升半分三服

內應散 治胃氣虛弱臟腑不和乾嘔不思飲食

青皮

陳皮

並去白

甘草

各一兩

乾薑

二錢

右為細末每服三錢水一盞薑五片棗五枚同煎至

七分去滓空心稍熱服

生薑湯 治乾嘔和胃氣養津液一方治胃有寒氣逆

嘔噦

生薑

細切絲十二兩

草豆蔻

去皮四兩

甘草

生剉半斤

右先搗草豆蔻甘草為末同薑絲研勻捏作餅子焙

乾再搗羅為末每服一大錢鹽湯點服空心食前

和安湯 治胃氣逆乾嘔不止

甘草

炙剉  
二兩

乾薑

炮半  
兩

陳橘皮

湯浸去白  
焙一斤

右粗搗篩每服三錢水一盞煎至六分去滓溫服

半夏丸

治乾嘔氣逆不下飲食

方見膈噎門  
膈氣痰結類

治卒乾嘔

用香蘇濃煮汁頓服三升良

治乾逆



用白扁豆炒為末每服一錢生薑湯調下

陳橘皮湯 治乾嘔不止

陳橘皮

湯浸去白焙

甘草

炙各二兩

草豆蔻

去皮五枚

右咬咀每服四錢匕水一盞入生薑半分切煎至七分去滓溫服不拘時候

橘皮湯

治乾嘔噦手足厥冷者

一名生薑橘皮湯

橘皮

四兩

生薑

半斤

右咬咀以水七升煮取三升分三服不止更合服之

治乾嘔吐逆涎沫出者方

半夏

生薑

各等分

右咬咀漿水一升半煮取七合頓服之日三

治卒乾嘔不息

甘草

人參

各半兩

右用生薑四兩水六升煮取二升分為三服

治乾嘔

乾薑

六分

附子

四分炮搗

右用苦酒丸如梧桐子大服三九日三效

治病人乾嘔方

右取羊乳汁飲一盃

治乾嘔方

右酒浸馬屎一宿取汁服之

治卒乾嘔不息

右搗葛根汁服一升差一方用雞子破布濾去白吞

黃數枚差

治乾嘔頭痛食不下

右用生雞子一顆開頭去白取黃着米醋拌煑火頓服醋盡熱飲未定更服不過三度差

治嘔吐噦若手足厥冷

右蘆根三斤濃煮汁飲之

嘔噦附論

夫噦者咳逆也古方則謂之噦凡吐利後多作噦大率胃實則噦胃虛則噦此由胃中虛膈上熱故噦或至八

九聲相連收氣不回至於驚人者若傷寒久病者得此甚惡內經所謂壞病者是也津減者知監器之漏聲嘶者知琴絃之絕落葉者知槁木之摧舉此三物衰傷之徵以此故知噦是病深之候也亦有噦而心下堅痞脰悸者以膈間有水所為其他病則各有治法脾胃俱虛受於風邪故令新穀入胃不能傳化故穀之氣與新穀相干胃氣則逆而嘔胃逆則脾脹脾脹則氣逆因遇冷折之則噦也右手關上脉沉而虛者病善噦也 食入

於口而聚於胃脾胃散精氣以養四肢臟腑氣和乃能  
埤助於中若脾胃氣虛不能傳化水穀之精與新穀相  
干脾胃氣痞滿脹復遇冷折之故令噦逆也

丁香茱萸湯

治胃虛噦嘔吐逆膈咽不通

丁香

錢五

吳茱萸

錢一

黃耆

錢二

草豆蔻

一錢  
去皮

人參

錢一

甘草

柴胡

橘皮

半夏

升麻

當歸

乾生薑

蒼朮

黃蘗

各等分

右剉麻豆大每服半兩水二盞煎一盞去滓食前熱

服忌冷物一方無半夏生薑

胡麻飲 治嘔噦

人參 胡麻仁 橘皮 枇杷葉 各等分

右㕮咀水一斗煮枇杷葉取五升下藥煮取三升內

麻仁稍飲之

橘皮湯 療嘔吐不止

陳橘皮 生薑 甘草 枇杷葉 各等分

右切以水五升煮取二升五合絞去滓分溫三服每

服相去如人行六七里進一服內消忌海藻菰菜

治嘔噦

用小麥麵醋和作丸二三十箇以沸湯煮別盛漿二  
斗用丸於湯內漉出又內於漿中看外熱氣稍減乘  
熱吞三四箇其噦定即不吞甚者加至七八九尚未定  
晚後飯前再吞之

治嘔噦及霍亂後惡心

用葡萄根濃煮汁細細飲之



蘆根方

出千金方

治嘔噦

用蘆根切以水一斗二升煮取四升分四服一方兼以小童便一兩合不過三服則差

療嘔噦

出肘後方

用生蓰蓰藤斷之當汁出器盛取飲一升生葛藤尤佳

小半夏加茯苓湯

出肘後方

治嘔噦穀不得下眩悸

方見嘔吐

門本類

棗肉丸

出永類  
鈴方

治脾胃虛冷嘔噦

方見膈噎  
門膈噎類

半夏生薑湯

出活人書一  
名半夏湯

治噦欲死

方見膈噎  
門膈噎類

治乾噦若手足厥冷

宜食生薑此是嘔家聖藥

治氣厥嘔吐不得息方

出千  
金方

豉半夏

各二  
兩

生薑

二  
兩

人參

前胡

桂心

甘草

各一  
兩

右㕮咀以水九升煮取三升分三服

又方

出千金方

大棗

十五枚

附子

一枚

橘皮

二兩

豉

一升

生薑

甘草

各一兩

右呖咀以水九升煎取二升分三服日三

治卒嘔噦厥逆方

出千金方

右飲新汲冷水三升佳

治嘔逆

出本草

以蓮實仁六枚炒令黃色研末冷熱水半盞和服便

止

療卒噦方

用枳實三枚炙去穰咬咀之取三家乳一升以羊脂五兩煎枳實令沸復內乳令沸去滓含咽之

薤白湯

出肘後方

治人忽惡心不已

薤白

半斤

茱萸

一斤

豉

半斤

米

一合

棗

四枚

枳實

二枚 鹽少許

右如彈子大丸水三升煮取一升半為三服

一方

出肘後方

但多咬豆蔻子及咬檳榔亦佳

治噦方

出千金方

用煮豉三升飲汁佳

又方

出千金方

用薑汁空腹飲一升

治惡心方

出千金方

用苦瓠瓢并子一升碎以酒水三升煮取一升頓服

須臾吐并下如蝦蟆衣三升

又方

出千金方

用麻子一升熬令香熟搗取酒三升熟研濾取一升飲盡日二服盡一石差一切病自能飲食不能酒任性多少

又方

出千金方

用小便服百日佳

治噦

用牛口中齧涎草絞取汁服

療卒噦不止方

出肘後方

右痛抓眉中央閉氣差

又方

出肘後方

用物刺鼻中或以少許皂角內鼻中令嚏則差

又方

出肘後方

用粳米粉二升井華水服之

止嘔噦

出本草

以甜糟三歲者下有酒以物盛之服

三聖散

出聖濟  
總錄

治噦逆不止

丁香

四十  
九粒

胡椒

十四  
粒

半夏

七枚大者先以錐  
子鑽透心後用麻

線穿過井華水浸七日  
一日一夜換水後焙乾

右為細末大人生薑湯調一字小兒筋頭蘸生薑汁  
後點藥少許立愈再甚不過三服

石蓮丸

出聖濟  
總錄

治胃寒嘔逆

石蓮肉

去  
心

附子

炮製去  
皮臍

乾薑

炮各  
一兩



右為末粟米粥丸如菉豆大蜀椒湯下十九止勿再服

小丁沉丸

出聖濟總錄

治噦逆不止飲食不下

丁香

沉香

木香

檳榔

白豆蔻

去皮各半兩

麝香

一錢另研

人參

二兩

桂

去粗皮

白茯苓

去黑皮二兩

甘草

半兩炙剉

乾薑

一兩炮

訶梨勒

一兩

青橘皮

去白

炮半兩

白朮

四兩

右為末煉蜜丸小彈子大每服一九炒生薑鹽湯嚼

下無時

沉香烏藥丸

出聖濟總錄

治噦逆不止不思飲食

沉香

烏藥

剉

青橘皮

去白炮

白朮

剉炒

白芷

白茯苓

去黑皮

五味子

甘草

炙剉

人參

各等分

右為末煉蜜和丸如雞頭大每服一九至二丸粥前

生薑紫蘇湯嚼下

理中散

出聖濟總錄

治胃中氣冷腹脹噦逆不思飲食

方見

脾臟門脾氣虛腹脹滯類

豆蔻湯

出聖濟  
總錄

治脾胃俱虛噦逆上氣

草豆蔻

去皮

木香

甘草

炙

乾薑

炮

高良薑

縮砂

去皮

益智

去皮

陳皮

湯浸  
去白

各等分

右吹咀每服三錢水一盞生薑三片煎八分去滓溫

服無時

白朮湯

出聖濟  
總錄

治胃氣受冷氣逆奔衝噦逆不定

白朮

剉

甘草

炙

莎草根

炮去毛  
各一兩

草豆蔻

五枝

大者去

皮炒

乾薑

炮

陳麴

炮

麥蘖

炒各  
半兩

右呔咀每服三錢水一盞生薑三片大棗二枚擘破煎七分去滓熱服不拘時候

降氣丸

出聖濟總錄

降陽氣於下使陰氣上升升降無礙

陰陽調適飲食運化諸疾不生

牽牛子

二十兩炒熟取麵一十兩

萆澄茄

十兩

檳榔

剉二兩

木香

四兩

赤茯苓

去黑皮二兩

補骨脂

十兩

右為末水煮麵糊為丸如梧桐子大每服二十九溫水下不拘時候

丁香湯

出聖濟  
總錄

治胃冷噦逆不思飲食

丁香

甘草

炙到

陳麴

炒各  
半兩

草豆蔻

去皮炒  
一兩

陳橘皮

去白焙  
一兩

木香

炮三  
分

右呔咀每服三錢水一盞生薑五片煎至七分去滓

溫服無時

人參湯

出聖濟  
總錄

治噦逆不止

人參

白朮

白茯苓

藿香

各半  
兩

甘草

一分  
炙到

右呔咀每服三錢水一盞生薑五片煎七分去滓溫

服

羌活湯

出聖濟總錄

治風冷乘脾胃致噦逆不止

羌活

去蘆

附子

炮去皮臍

藿香子

微炒各半兩

木香

乾薑

炮各一分

右咬咀每服三錢水一盞鹽一捻煎八分去滓稍熱

服無時

厚朴煮散

出聖濟總錄一名調胃散

治噦逆不止惡心氣不下降

方見脾臟門兼理脾胃類

乾薑丸

出聖濟總錄

治脾胃俱虛內挾風冷噦逆上氣

乾薑

炮一兩半

附子

炮製去皮臍

胡椒

桂

去粗皮各半兩

右為末煉蜜丸每服十五丸加至二十九丸食前濃米

飲下如噦嘔冷沫濃煎生薑橘皮湯下

豆蔻散

出聖濟總錄

治胃寒噦嘔不止

草豆蔻

去皮剉八兩

甘草

四兩炙剉

陳橘皮

去白焙一兩

生薑

和皮切片用一斤

右和勻入銀器內用水過藥三指許慢火熬令水盡

取出焙乾為末每服一錢沸湯點之夏月煎作冷熟

水服

水銀膏

出聖濟  
總錄

治諸般噦逆

水銀

不結  
沙

硫黃

細研

太陰玄精石

各一兩  
細研

右用醞醋五升文武火煎成稠膏瓷盒內盛旋丸梧  
桐子大每服七丸艾湯下不拘時候

枇杷葉散

出聖濟  
總錄

治噦逆不止飲食不下

枇杷葉

炙拭去  
毛四兩

甘草

炙剉  
三兩

陳橘皮

湯浸去白  
焙五兩



右吹咀每服三錢水一盞生薑棗大切煎七分去滓  
稍熱服無時

兩順煮散

出聖濟  
總錄

治脾胃俱虛脹滿噦逆

高良薑

木香

另  
搗

右為散每服高良薑一錢木香半錢水一盞煎七分  
溫和滓徐呷服不計時勿用鉄器煎

附香煮散

出聖濟  
總錄

治噦不止

附子

一枚重  
一兩者

訶梨勒

三七  
枚

右用同蛤粉炒令附子裂去臍尖訶梨勒去核為末  
每服二錢水一盞煎八分和滓溫服

治胃口冷噦逆不已

出聖濟  
總錄

大棗

一枚青州  
者去核

胡椒

七粒入棗  
內合定

右用濕紙裹煨熟地上紙襯出火毒去紙空心細嚼  
溫酒送下粥投之即效

陳皮乾薑湯

治噦

陳皮

通草

乾薑

炮

甘草

炙各  
二兩

桂心

去粗  
皮

人參

一兩

右咬咀每服四錢水一盞煎六分溫服

溫中白朮丸 治胃寒嘔噦

白朮

二兩半

半夏

二兩

乾薑

一兩

丁香

半兩

右為末薑汁丸如梧桐子大每服三十丸生薑湯送下

大半夏湯 治胃寒嘔逆

半夏

薑製

白朮

各五兩

人參

半兩

右為粗末每服五錢水三盞煎至一盞入蜜一匙候  
溫去滓服

妙功藏用丸

出宣明論又名神  
芎丸亦名顯人丸

治嘔噦不食痿弱難

運血溢血淋滿悶不通或洩利三焦壅滯傳化失常  
功不可述並宜服之

大黃 黃芩

黃連 各半兩

黑牽牛 荊芥穗

滑石 各二兩

防風 一分

川芎 一分

木香 二分

官桂


二分  
去皮

右為末滴水丸如小豆大每服二十九至三十九生薑湯下日三服溫水亦得

又方

出肘後方

右但閉氣抑引之



普濟方卷二百六